





孫子集註卷之六

新都後學黃邦彥校正

虛實篇

曹操曰：能虛實彼已也。李筌曰：善用

次其篇。杜牧曰：夫兵者避實擊虛，先洎識

彼我之虛實也。王哲曰：此自守以實攻敵

以用也。張預曰：形篇言攻守勢篇說奇正

善用兵者先知攻守兩齊之法，然後知奇正

先守而用虛實，由奇正而見，故次勢。

孫子曰：凡先處戰地而待敵者佚。

曹操李筌並曰：力有餘也。賈林曰：先處形勝之

地以待敵者，則有備豫。士馬閑逸。杜佑同：賈林

註：○王哲同：曹操註：○張預曰：形勢之地，我先據

之以待敵人之來，則士馬閑逸而力有餘。

後處戰地而趨戰者勞。



李筌曰力不足也太乙遁甲云彼來攻我則我為主彼為客王易客難也是以太乙遁甲言其定計之義故知勞佚事不同先後勢異○杜牧曰後周遣將帥突厥之眾逼齊齊將段韶禦之時大雪之後周以步卒為前鋒從西而下去城二里諸將欲逆擊之韶曰步人氣力待之彼勞我佚破之必矣既而交戰大破之前鋒盡殪自餘遁矣○賈林曰敵處便利我則不待引兵別據示不勝其軍敵謂我無謀必來攻襲如此則反令敵倦而我勞○孟子曰若敵已處便勢之地已方赴利士馬勞倦則不利矣○梅克臣曰先至待敵則力完後至趨戰則力倍○何氏曰戰國秦師伐韓圍關與趙遣將趙奢救之軍士許歷曰秦人必敗趙奢即發萬人趨之秦兵氣盛將軍必厚集其陳以待之不然必敗又曰先揚北山者勝後至上趙奢縱兵擊之大破秦軍遂解後至角山不得上趙奢將征魏囂為囂所敗秦軍遂解與之圍後漢初諸將征魏囂乘勝使其將王元行將二萬餘人下隴因分遣巡取恂恩漢將馮異

馬欲先擄之諸將皆曰虜兵盛而新東勝不可與爭宜止軍此地徐思方略異曰虜兵方盛臨境狃夫攻者不足守者有餘今先據城以佚待勞非所以爭鋒也遂潛往閉城隄旗鼓行巡不知馳赴之異乘其不意卒擊鼓建旗而出巡軍驚亂奔走追而大破之東魏將齊神武伐西魏軍過蒲津涉洛至許原西魏將周文帝軍至沙苑齊神武聞周文至引軍來會詰朝候騎告齊神武且至周文步將李弼曰彼眾寡不可平地置陳此東十里陳渭曲可先據以待之遂軍至渭曲背水東西為陳合戰大破之○張預曰便利之地彼已據之我方趨彼以戰則士馬勞倦而力不足或謂所戰之地我且先到立陳以待彼則已佚矣彼先結陳我後至則我勞矣若宋人已成列楚師未既濟之類

故善戰者致人而不致於人

李筌曰故能致人之勞不致人之佚也○杜牧曰致令敵來就我我當蓄力待之不就敵也○杜牧曰



也後漢張步將費邑分遣其弟敢守巨里耿弇  
兵先脅巨里使多伐樹木揚言以填坑塹數日有  
降者言邑聞奔欲攻巨里謀來救之奔期告邑至日果  
中趨修軍具宜勅諸部後三日當悉力攻巨里城  
陰緩生口令得亡歸歸者以奔期告邑至日果  
將精兵三萬餘人來救之奔喜謂諸將曰吾修攻  
具者欲誘致邑耳今來適其所求也即分三千人  
守巨里自引精兵上岡阪乘高大破之遂臨陳斬  
費邑○杜佑曰言而軍相遠強弱俱敵彼可使歷  
險而來我不可歷險而往必能引致敵人已不使  
從也○梅堯臣曰能令敵來則敵勞我下往就則  
我佚○王哲曰致人者以佚乘其勞致於人者以  
勞乘其佚○何氏曰令敵自來○張預曰致敵來  
戰則彼勢常虛不往赴戰則我勢常實此乃虛實  
彼我之術也耿弇先逼  
巨里以誘致費邑近之

能使敵人自至者利之也

曹操曰誘之以利也○李筌曰以利誘之敵則自  
趨而至也趙將李牧誘匈奴則其義也○杜牧曰自

李牧大縱畜牧人衆滿野匈奴小入佯比不勝以  
數千人委之單于大喜率衆來入牧大破之殺匈  
奴十萬騎單于奔走歲餘不敢犯邊也○梅堯臣  
曰匈奴自來示之以利○何氏曰以利害誘之而  
我佚敵勞○張預曰所以能致敵之來者誘之以  
利耳李牧佯北以致匈奴揚素毀車以誘突厥是  
也

能使敵人不得至者害之也

曹操曰出其不意攻其所必救○李筌曰害其  
所急彼必釋我而自固也魏人寇趙即卿乞師於  
齊齊將田忌欲救趙孫臏曰夫解紛者不控捲救  
鬪者不搏機批亢擣虛形格勢禁則自解耳今二  
國相持輕銳竭於外疲老殆於內我襲其虛彼必  
解圍而奔命所謂一舉存趙而弊魏也後魏果釋  
趙而奔大梁遭齊人於馬陵魏師敗績○杜牧曰  
曹公攻河北師次頓丘黑山賊于毒等攻武陽曹  
公乃引兵西入山攻毒本屯毒聞之棄武陽還曹  
公要擊於內大破之也○陳皞曰子胥疲楚師孫







之以弊其衆化及大喜恣其兵食冀密饋之其後  
食盡其將王智畧張童仁等率所部兵歸於密前  
後相繼化及以此遂敗○陳皞曰餓敵之術在臨  
事應機○梅克臣曰要其糧使不得饋○王哲曰  
謂敵人足食我能使之飢乏耳曹公曰絕其糧道  
哲謂火積亦是也何氏曰如吳楚反周亞夫曰楚  
丘剽輕難與爭鋒願以梁委之絕其食道乃可制  
也亞夫會兵熒陽吳攻梁梁急請救亞夫引兵東  
北走昌邑深壁而守使輕騎高侯等絕吳楚兵  
後食道兵乏糧飢欲退數挑戰終不出乃引兵去  
精兵追擊大破之王莽末天下亂光武兄伯升起  
兵討莽為莽將甄阜梁丘賜所敗復收會兵衆還  
保於棘陽阜賜乘勝留輜重於藍鄉引精兵十餘  
萬人南渡橫臨泚水阻兩山間為營絕後橋示無  
還心伯升於是大饗軍士設盟約休卒三日為六  
部替師夜起襲取藍鄉盡獲其輜重明晨自南攻  
甄阜下江兵自東南攻梁丘賜乏食陳潰遂斬阜  
賜唐輔公祐遣其偽將馮惠亮陳當世領水軍屯  
于博望山陳正通河間王孝恭至堅壁不與鬪使  
于青州山河間王孝恭至堅壁不與鬪使

安能動之

其糧道賊漸設夜薄我營孝恭安卧不動明日  
羸兵以攻賊壘使虛祖尚率精騎列陳以待日  
而攻壘者敗走出○追奔數里遇祖尚車與戰大  
之正通棄營而走○張預曰我先舉兵則我為客  
彼為王為客則食不足為主則餓敵則有餘若奪  
積掠其田野因糧於彼館穀於敵則我反飽彼反  
飢矣則易變客為主也○不必焚其積聚廢其農  
然後能飢敵矣或彼為客則絕其糧道廣武軍欲  
請奇兵以遮絕  
韓信軍後是也

曹操曰攻其所必愛出其所以必趨擊其所不  
相救也○李筌曰出其所以必趨擊其所不  
所不愛使不得救也○杜牧曰司馬宣王攻公  
孫文懿於遼東阻遼水以拒魏軍宣王曰賊堅  
高壘以老我師攻之正入其計○古人云敵雖  
不得與我戰者攻其所入其計○古人云敵雖  
人懷內惧我戰者攻其所入其計○古人云敵雖  
兵出其後果來邀之乃縱擊大破之竟平遼東○







李筌曰無虞易取○杜牧曰警其東擊其西誘其  
前襲其後後漢張步都劇使弟藍守西安又令別  
將守龍溜去龍溜四十里城奔別軍營其間奔視  
西安城小而堅藍兵又精臨淄名雖大其實易攻  
奔令軍吏治攻具後五日攻西安縱生口令歸藍  
聞之晨夜守城至期夜半奔動諸將蓐食及明至  
臨淄城下護軍荀梁寺爭之以為宜速攻西安奔  
曰西安聞吾欲攻日夜為備臨淄出其不意至必  
驚擾吾攻之一日必拔拔臨淄即西安勢孤所謂  
擊一得兩盡如其策後漢末朱雋擊黃巾賊帥韓  
忠於宛雋作長圖起土山以臨其城內因鳴鼓攻  
其西南賊悉衆赴之雋自將精兵五千掩其東北  
乘城而入忠乃退保小城惶懼乞降○陳皞曰國  
家征上黨王宰知劉稹恃天非之險不為固守之  
計宰悉力攻奪而後守稹失其險終隔其巢穴也  
○梅堯臣曰言擊其南實收其北○王哲曰攻其  
虛也謂將不能兵不精壘不堅備不嚴救不及食  
不足心不一爾○張預曰善攻者動於九天之上  
使敵人不守之能備莫之能備則吾之討黃巾但  
之所不守也耿奔之克臨淄朱雋之討黃巾但其

守而必固者守其所不攻也

杜牧曰不攻高守何况其隔攻乎漢大尉周亞夫  
擊七國于昌邑也賊奔壁東南陲亞夫使備其西  
北俄而賊精卒攻巧北不得入因溝走追破之○  
陳皞曰無慮敵不攻慮民不得入因溝走追破之○  
守乃用丘之計備也○梅堯臣曰賊擊我西亦備  
手東○王哲曰守以實也謂將領兵精壘堅備嚴  
救及食足心一爾○張預曰善守者藏于九地之  
下使敵人莫之能測莫之能測則吾之所守者乃  
敵之所不攻也○周亞夫擊東南而備西北亦是其  
一端也

故善攻者敵不知其所守善守者敵不知其所攻

曹操曰情不泄也○李筌曰善攻者器械多也東  
魏高歡攻鄴是也善守謹備也周韋孝寬守晉州  
是也○杜牧曰攻取備禦之情不泄也○賈林曰  
教令行人人心附備守堅固微隱無形敵人猶豫智











諸將言不攻賊而作長圍非所以示衆也宣王曰  
賊堅營高壘欲以老吾兵也古言曰敵雖高壘  
不得與我戰者攻其所必救也賊大衆在此則  
窟穴虛矣我直指襄平必入懷內懼而求戰破  
之必矣遂整陳而過賊先兵出其後果邀之宣王  
謂諸將曰所以不攻其營正欲致此不可失也乃  
縱兵逆擊大破之三戰皆捷唐馬遂討田悅時軍  
糧少悅深壁不戰遂令諸軍持十日糧進次倉口  
與悅夾洹水而軍李抱真李元問曰糧少而深入  
何也疑曰糧少利速戰兵法善於致人不致於人  
今田悅與淄青兗三軍為首尾計欲不戰以老我  
師若分兵擊其左右兵少未可必破悅且來救是  
前後受敵也兵法所謂攻其必救彼固當戰也  
為諸軍合而破之燬乃造三橋道逾洹水日挑戰  
悅不敢出恒州兵以軍少懼為燬所并引軍合於  
悅悅與燬明日復挑戰乃伏兵萬人欲邀燬燬乃  
引諸軍半夜皆食先雞鳴時擊鼓吹角潛所傍洹  
水徑赴魏州令曰聞賊至則止為陳又令百驛吹  
鼓角皆循於後仍抱薪持火待軍甲發止鼓角匿  
其旁伺悅軍畢渡焚其橋軍行十數里乃率淄青

兗州步騎四萬餘人踰橋掩其後乘風縱火鼓譟  
而進燬乃坐甲令無動命前除草斬荆棘廣百步  
以為陳募勇力得五千餘人分為前列以俟賊至  
比悅軍至則火止氣乏力少衰乃縱兵擊之悅軍  
大敗悅走橋橋已焚矣悅軍亂赴水斬首二萬  
青軍殆盡○張預曰我為客彼為主我兵強而食  
少彼勢弱而糧多則利在必戰與我戰者有金城湯  
池之固不得守其險而必求與我戰者在攻其所  
顧愛使之相救援也若楚人圍宋晉將救之狐偃  
曰楚始得曹而新婚於衛若伐曹衛楚必救之則  
宋免矣後之而解又晉宣帝討公孫文懿忽棄賊  
而走襄平討其巢穴賊果出邀之遂逆擊三戰皆  
捷亦其義也

### 我不欲戰畫地而守之

曹操曰軍不欲煩也○李筌曰拒境自守也若入  
敵境則用天一遁甲真人閉六戊之法以刀畫地  
為營也○孟氏曰以物畫地而守喻其易也蓋我  
能戾敵人之心不敢至也



敵不得與我戰者乖其所之也

曹操曰乖戾也戾其道示以利害使敵疑也○李  
荃曰乖異也設奇異而疑之是以敵不可得與我  
戰漢上谷太守李廣縱馬卸安疑也○杜牧曰言  
敵未攻我我不與戰設權變以疑之使敵人疑感  
不決與初來之心乖戾不敢與我戰也曹公爭漢  
中地蜀先主拒之時將趙雲守別屯將數十騎輕  
出卒遇大軍雲且闕且却公軍追至圍雲入營史  
大開門偃旗息鼓曹公軍疑有伏引去諸葛武侯  
屯於陽平使魏延諸將并兵東下武侯惟留萬人  
守城候白可馬宣王曰亮在城中悉臥推息鼓不得  
失色亮時意氣自若勅軍中悉臥推息鼓不得  
出開四門掃地却灑宣王疑有伏兵遂引去趨北  
山亮謂參佐曰司馬懿謂吾有伏兵遂引去趨北  
王後知頗以為恨曹公與呂布相持伏循山走矣宣  
布領眾卒至公營止有千人出陳半隱於堤下呂  
布遲疑不敢進曰曹操多詐勿入伏中遂引兵去  
陳皞曰左傳楚令尹子元代鄭人馬乃還○賈林曰置  
市懸門不發子元曰鄭有人馬乃還○賈林曰置

故形人而我無形則我專而敵分

亮偃旗以鼓開門却灑懿疑有伏兵遂引而去亦  
其義也  
敵兵於師惡之所屯營於形勢之險○修壘新  
敵人不敵來攻於我也○梅堯臣曰○修壘新  
卒其道而示以利害使其疑而不敢進也○張預曰  
畫地言易且明制之必有道也○張預曰○修壘新  
彼為客我糧多而卒寡彼食少而兵眾則利在予  
戰雖不為營壘之固敵必不敢味與我戰者示以  
疑形出其師不往也若楚人伐鄭鄭懸門不發效楚  
言而出楚師不敢進而遁又司馬懿欲攻諸葛亮  
亮偃旗以鼓開門却灑懿疑有伏兵遂引而去亦  
其義也

我專為一敵分為十是以十攻其一也

杜佑曰我專一而敵分散○梅堯臣曰他人有形  
我形不見故敵分兵以備我○張預曰吾之正使  
敵視以為奇吾之奇使敵視以為正形人若也以  
奇為正以為奇吾之奇變化紛紜使敵莫測魚形  
敵形既見我乃合眾以臨之我形不彰彼必分勢  
以防備



杜佑曰我料見敵形審其虛實故其所備者少專為一屯以我之專擊彼之散卒為十共擊一也。梅克臣曰離一為十我常以十分擊一分

### 則我眾而敵寡

杜佑曰我專為一故眾敵分為十故寡。張預曰見敵虛實不勞多備故專為一屯彼則不然不見我形故分為十處是以我之十分擊敵之一分也故我不得不眾敵不得不寡

### 能以眾擊寡者則吾之所與戰者約矣

杜佑曰約猶少也我深壟高壘滅跡縮聲出入無形攻取莫測或以輕兵健馬衝其空虛或以強弩長弓奪其要害觸左履右突後驚前晝日誤之以旌旗暮夜惑之以火鼓故敵人畏懼分兵防虞如登山瞰城垂簾視外敵人分張之勢我則虛知我之攻守之方敵則不測故我能專一敵則分離。專一者力全分離者力寡以企擊寡故能必勝也。杜佑曰言約少而易勝。梅克臣曰以專擊分

### 吾所與戰之地不可知

杜佑曰言舉動微密情不可見使彼知所出而不知吾所卒知所卒而不知吾所集。張預曰無形勢故也。王哲曰多為之形使敵備則實則無形也故我專敵分矣。杜佑曰張預曰夫勢聚則強兵散弱以眾強之勢擊寡弱之兵則成功多矣

### 不可知則敵所備者多

梅克臣曰敵不知則處處為備

### 敵所備者多則吾所與戰者寡矣

曹操曰形藏敵疑則分離其眾備我也言少而易擊也。王哲曰與敵必戰之地不可使敵知之知



則併力得拒於我曹公曰形藏則敵疑○張預曰不能測吾車果何出騎果何來徒果何從故分離其衆所在輒為備遂致衆散而弱勢分而衰是以吾所與接戰之處以大衆臨孤軍也

故備前則後寡備後則前寡備左則右寡備右則左

寡無所不備則無所不寡

杜佑曰言敵之所備者多則士卒無不分散而少○梅克臣曰所備皆寡也

寡者備人者也衆者使人備己者也

曹操曰上所謂形藏敵疑則分離其衆以備我也○李荃曰陳兵之地不可令敵人知之彼疑則謂

衆離而備我也○杜牧曰所戰之地不可令敵人知之我形不泄則左右前後遠近險易敵人不知

亦不知我何處未攻何地會戰故分兵徹衛處處防備形藏者衆分多皆寡故衆首必勝也寡者必

敗也○孟氏曰備人則我散備我則彼分○杜佑曰敵分散而少者皆先備人也敵所以備己多者

也○我曹而衆故也○梅克臣曰備則愈寡○何氏同議也○王哲曰左右前後無處不為備則無處不兵也○張預曰左右前後無處不為備則無處不兵也○所以寡者為兵分而廣備於人也所以衆者為勢專而使

故知戰之地知戰之日則可千里而會戰

曹操曰以度量知空虛會戰之日○李荃曰知戰之地則舟車步騎之所便也魏武以北士木安捨

鞍馬仗舟楫與吳越爭險是以有黃蓋之敗吳王

漢驅吳楚之衆奔馳於梁鄭之間此不知戰地日

者故太一遁甲曰計法三門五將主客成敗則可

知也於是千里會戰而勝○杜牧曰宋武帝使朱

齡石伐譙縱於蜀宋武曰往年劉敬宣出內水向黃武魚功而退賊謂我今應從外水來而料我當出其不意猶從內水來也如此必以重兵守涪城以備內道若向黃武正墮其計今以大眾自外取成都疑兵向內水此則制敵之奇也而慮此聲先馳賊知虛實別有函書全封付嶺石函邊書曰至



白帝乃開諸軍未知處分所由至白帝發書曰衆  
軍悉從外水取成都熹朱林於中水取廣漢使  
羸弱乘高艦十餘由內水向黃武譙縱果以重兵  
備內水嚴石城之陳皞曰杜註止言知戰之地  
未叙我知戰之日我若伐敵至期不得與我戰教來  
侵我我必預備以應之項羽謂曹咎曰我十五日  
必定梁地復與將軍會苟不知必戰之日安能為  
約○孟氏曰以度量知空虛先知戰地之形又審  
必戰之日則可千里期會先往以待之若敵已先  
至可不往以勞之○杜佑曰夫善戰者必知戰之  
日知戰之地度道設期分軍雜卒遠者先進近者  
後發千里之會同時而合若會都市其會地之日  
無令敵知知之則所備處少不知則所備處多備  
寡則專備多則分分則力散專則力全○梅堯臣  
曰若能度必戰之地必戰之日雖千里之遠可尅  
期而與戰○王晉曰必先知地利敵情然後以兵  
法之度量計其遠近知其空虛審敵趣應之所及  
戰期也如是則雖千里可會戰而破敵矣故曹公  
曰以度量知空虛會戰之日者是也○張預曰凡  
率兵伐敵所戰之地必先知之師至之日能使敵

守者固雖千里之遠可以赴戰若晉人禦  
師必於敵是知戰地也陳湯料烏孫圍兵五日必  
解是知戰日也又若孫臏龐滄於馬陵度日暮必  
至是也

不知戰地不知戰日則左不能救右右不能救左前  
不能救後後不能救前而况遠者數十里近者數里  
乎

杜牧曰管子曰計未定而出兵則戰而自毀也○  
杜佑曰敵已先據形勢之地已方趣利欲戰則左  
右前後疑惑進退不能相救况十數里之間也○  
梅堯臣曰不能救者寡也左右前後尚不能救况  
遠乎○張預曰不知敵何地會兵何日接戰則  
所備者不專所守者不固忽遇勁敵則倉遽而與  
之戰左右前後猶不能相援又况首尾相去之遙



以吾度之越人之兵雖多亦奚益於勝敗哉

曹操曰魏人相聚紛然無知也或曰吳越讐國也  
○李筌曰越過也不知戰地及戰日兵雖過人安  
能知其勝敗乎○陳皞曰孫子為吳王闔閭論兵  
吳與越讐故言越謂過人之兵非義也○賈林曰  
不知戰地不知戰日士人雖多不能制勝敗之政  
亦何益也○梅堯臣曰吳越敵國也言越人雖多  
亦當為我分而寡也○王皙曰此武相時料敵  
也言越兵雖多苟不善相技亦無益於勝敗之數  
○張預曰吾字作吳字之誤也吳越隣國數相侵  
伐故下文云吳人與越人相惡也言越國之兵雖  
日衆多但不知戰地戰  
日當分其勢而弱也

故曰勝可為也

社牧曰為勝在我故言可為之○孟氏曰若使敵  
不知戰地期日我之必勝可常有也○梅堯臣同  
杜牧註○何氏王皙同孟氏註○張預曰為勝在  
我故也形篇云勝可知而不可為今言勝可為也

何也蓋形篇論攻守之勢言敵若有備則不可以  
為也今則主以越兵而言度越人必不能知所戰  
之地日故云可為也

敵雖衆可使魚聞

杜牧曰以下四事度量之敵兵雖衆使其不能與  
我鬪勝也○孟氏曰敵雖多兵我能多設變詐分  
其形勢使不能併力也○賈林曰敵雖衆多不知  
已之兵情常使急自備不張謀鬪○梅堯臣曰苟  
能寡何有鬪○王皙曰多益不救奚所恃而鬪○  
張預曰分散其勢不得齊力同進則馬能與我爭

故策之而知得失之計

李筌曰用兵者取勝之兵法可制太一遁甲五將  
之計以定關格掩迫之數得失可知也○孟氏曰  
策度敵情觀其施為則計數可知○賈林曰樽姐  
帷幄之間以策籌之我得彼失之計皆先知也○  
杜佑曰策度敵情觀其施為則計數可知○梅堯臣  
曰彼得失之計我以筭策而知○王皙曰策其敵



情以見得失之數○張預口籌策敵情知其計之得失若薛公料黥布之計是也

### 作之而知動靜之理

李筌曰候望雲氣風鳥人情則動靜可知也王莽時王尋征崑陽有雲氣如壞山當營而墜去地數丈而光武知其必敗梁王僧辨營上有如堤之氣侯景知其必勝風鳥貪射之類也此筌以作字為侯字者也杜牧曰作激作也言激作敵使人使其應我然後觀其動靜理亂之形也魏武侯曰兩軍相當不知其將如何吳起曰今賤勇者將銳而擊交合而北北而勿罰觀敵進退一坐一起其政以理奔比不追見利不取此將有謀若其悉眾追北旗旛雜亂行止縱橫貪利務得若此之類將令不行擊而勿疑○陳皞曰作為也為之利害使敵赴之則知進退之理也○賈林曰善規候者必知其動靜之理○杜佑曰喜怒動作察其牽止則情理可得故知動靜權變為其勝負也○梅堯臣曰彼動靜之理因我所發而見之○王偁曰候其理當動靜之理因我所發而見之○觀其喜怒則動靜之理可

得而知也若晉文公拘宛春以怒楚將子玉遂乘晉軍是其躁動也諸葛亮遺中冓婦人之劔以怒司馬宣王宣王終不出戰此是其安靜也

### 形之而知死生之地

李筌曰夫破陳設奇或偃旗鼓形之以以弱或虛烈竈火旛幟形之以強投之以死致之以生是以死生因地而成也韓信下井陘劉裕過大峴則其義也○杜牧曰死生之地蓋戰地也投之以死地必生之然後死言我多方誤撓敵地可知也○陳皞曰敵人生無謀者所投之地我得見其形有謀者所處之地必生無謀者所投之地必死也○孟氏曰形相敵情觀其所據則地形勢生死所○梅堯臣曰賈林曰見所理兵形則可知其死所○杜牧曰張預曰死之地我因形見而識○何氏同杜牧註○張預曰形之以我弱則彼必進形之以我強則彼必退因其進退之際則知彼所據之地死與生也上文云善動敵者形之敵必從之是也死地謂傾覆之地生







曹操曰因勢形而立勝○李筌曰錯置也設形險  
之勢因士卒之勇而取勝焉○事尚密非衆人之  
所知也○杜牧曰窺形可置勝敗非智者不能固  
非衆人所能得知也○梅堯臣曰衆知我勝固  
矣不知因敵之形○何氏曰因敵置勝衆不能知  
○張預曰因敵交動之形以置勝非衆人所能知

人皆知我所以勝之形而莫知吾所以制勝之形

曹操曰不以一形之勝萬形或曰不備知也制勝  
者人皆知吾所以制勝之法幽密人莫知也○李  
筌曰戰勝人知之制勝之法幽密人莫知也○杜  
牧曰言已勝之後但知我制敵人使有敗形本自於  
我然後我能勝之也上文云近而示之遠遠而示  
之近利而誘之亂而取之實而備之強而避之怒  
而撓之卑而驕之佚而勞之親而離之斯皆制勝  
之道人莫知之也○陳皞曰人但知我勝敵之善  
而不能知我因敵之敗形○梅堯臣曰若韓信背水拔讎是  
而不知作勝之象○王皙曰若韓信背水拔讎是  
走人不知吾能制使之然者以何道也○張預曰立

勝之迹人皆知之但莫測  
吾因勢形而制此勝也

故其戰勝不復而應形於無窮

曹操曰不重複動而應之也○李筌曰不復前其  
以取勝隨宜制交也○杜牧曰敵每有形我則始  
能隨而應之以取勝○杜佑曰死官也○賈林曰  
應敵形而制勝乃無窮○梅堯臣曰不訛故態應  
形有機○王皙曰夫制勝之理惟一而兩勝之形  
無窮也○何氏曰已勝之分不再用也敵來斯應  
不循前法故不窮○張預曰已勝之後不復更用  
前謀但隨敵之形而應之也○奇無窮也

夫兵形象水

孟氏曰兵之形勢如水  
流遲速之勢無常也

水之形避高而趨下

梅堯臣  
曰順也



兵之形避實而擊虛

梅堯臣曰利也。○張預曰水趨下則順兵擊虛則

水因地而制流

杜牧曰因地之下。○梅堯臣曰順高下也。張預曰方圓斜直因地而成形。

兵因敵而制勝

李筌曰不因敵之勢吾何以制哉。夫輕兵不能持久守之必敗。重兵挑之必出。怒兵辱之強兵緩之將驕宜卑之。將貪宜利之。將疑宜反間之。故因敵而制勝。○杜牧曰因敵之虛也。○賈林曰見敵盛衰之形我得因而立勝。○杜佑曰言水因地之傾側而制其流兵因敵之虧關而取其勝者也。梅堯臣曰隨虛實也。○王哲曰謂隄防疏導之也。○何氏曰因敵強弱而成功。○張預曰虛實強弱隨敵而取勝。

故兵無常勢

梅堯臣曰應敵為勢。○張預曰敵有變動故無常勢。

水無常形

梅堯臣曰因地為形。○孟氏曰兵有變化地有方圓。○張預曰地有高下故無常形。

能因敵變化而取勝者謂之神

曹操曰勢盛必衰形露必敗。故能因敵變化取勝者神。○李筌曰能知此道謂之神兵也。○杜牧曰

兵之勢因敵乃見勢不在我故無常勢。如水之形因地乃有形不在水故無常形。水因地之上下則可

深石兵因敵之微不可測。○王哲曰神者也。○梅堯臣曰隨而變化微不可測。○王哲曰兵有常理而無

常勢水有常性而無常形。兵有常理者擊虛是也。無常勢者因敵以應之也。水有常性者就下是也。

無常形者因地以制之也。夫兵勢有變則難敗。卒向復可使擊勝兵况精銳乎。○何氏曰行權應變



在智畧智畧不可測則神妙若也。○張預曰兵勢已定能因敵變動應而勝之其妙如神

### 故五行無常勝

杜佑曰五行更王王哲曰迭相克也

### 四時無常位

杜佑曰四時迭用王哲曰迭相代也

### 日有短長月有死生

曹操曰兵無常勢盈縮隨敵。○李筌曰五行者休囚主相遞相勝也。四時者寒暑往來無常定也。日者周天三百六十五度四分度之一百刻者春秋二分則日夜均夏至之日晝六十分刻夜四十分刻冬至之日晝四十分刻夜六十分刻長短不均也。月初為朔八日為上弦十日為望二十日為下弦三十日為晦則死生義也。孫子以五行四時曰盈縮無常况於兵之形變安常定也。○楊堯臣曰

皆所以象兵之隨敵也。○王哲曰皆喻兵之變化非一道也。○張預曰言五行之休王四時之代謝兵勢之無定也。○皆如

系... 卷之六



孫子集註卷之六

孫子集註卷之七

新都後學黃邦彥校正

○軍爭篇

曹操曰兩軍爭勝。季荃曰爭者趨利也。虛實定乃可與人爭利。○王哲曰爭者爭利得利則勝宜先審輕重計迂直不可使敵乘我勞也。○張預曰以軍爭為名者謂兩軍相對而爭利也。先知彼我之虛實然後能與人爭勝故次虛實。

孫子曰凡用兵之法將受命於君

李荃曰受君命也。遵廟勝之美。恭行不罰。○張預曰受君命伐叛逐。

合軍聚眾

曹操曰聚國人結行伍。選部曲一起營為軍。陳○梅堯臣曰聚國之眾合以為軍。○王哲曰人國三軍總三萬七千五百人。若悉奉其賦則總七萬五千人。此所謂合軍聚眾。○張預曰合國人以為軍聚。



兵衆以爲陳

### 交和而舍

曹操曰軍門為和門左右門為旗門以更為營曰  
 韓門以人為營曰人門兩軍相對為交和○李奎  
 曰交和相和雜也合軍之後強弱勇怯長短向背間  
 雜而件之力量相兼後合諸營壘與敵爭之○杜牧  
 曰周禮以旗為左右和門○鄭司農曰爭門曰和今  
 謂之壘門主兩旌旗長之以叙和出入明次第也  
 交者言與敵人對壘而舍和門相交對也○賈林  
 曰舍止也士衆交雜和合而止於軍中強利而動  
 曰梅堯臣曰軍門為和門兩軍交對而舍也○何  
 氏曰和門相望將合戰爭利兵家難事也○張預  
 曰軍門為和門言與敵對壘而舍其門相交對也  
 或曰與上下交相和睦然後可以出軍不和於軍  
 吳子曰不和於國不可以出軍不和於軍不可以  
 出陳

### 莫難於軍爭

曹操曰後始受命至於交和軍爭難也○杜牧曰  
 於爭利害難也○梅堯臣曰自受命至此為最難  
 張預曰與人相對而爭利天下之至難也

### 軍爭之難者以迂為直以患為利

曹操曰示以遠速其道里先敵至也○杜牧曰言  
 欲爭奪先以迂遠為近以患為利誑給敵人使其  
 慢易然後急趨也○陳皞曰言合軍聚衆交和而  
 舍皆有舊制惟軍爭最難也○為不知以迂為直以  
 患為利者即不能與敵爭也○賈林曰全軍而行  
 爭於便利之地而不能先據之若不得其地則輸敵之  
 勝最其難也○杜佑曰敵途本迂患在道遠則先  
 處形勢之地故曰以患為利○梅堯臣曰能迂  
 為近轉患為利難也○王哲曰曹公曰示以遠速  
 其道里先敵至也○謂示以遠者使其不虞而行或  
 奇兵從間道出也○何氏曰謂所征之國路由山  
 險迂曲而遠將欲爭利則當分兵出奇隨逐鄉導  
 由直路乘其不備急擊之雖有陷險之患得利亦  
 速也如鍾會伐蜀蜀文出奇先至蜀之無備而降



故下云不得... 迂曲為近直轉患害為便利此軍博之誰也  
故迂其途而誘之以利後人發先人至此知迂直之計者也

曹操曰迂其途者示之遠也後人發先人至者明  
故度數先知遠近之計也○李筌曰故迂其途示  
不速進後人發先人至也○杜牧曰上解曰以迂為直是示敵人不專然後倍道兼行  
○杜牧曰上解曰以迂為直是示敵人不專然後倍道兼行  
意已急復誘敵以利使敵心不專然後倍道兼行  
出其不意故能後發先至而得所爭之要害也秦  
伐韓軍於闕與趙王令趙奢救之去即卽三十  
里而令軍中曰有以軍事諫者死秦軍武安西秦  
軍鼓噪動兵武安屋為皆震軍中候有一人言急  
救武安奢主斬之堅壁留二十八日不行復益增  
壘秦間來奢善食而遣之問以報秦秦將大喜曰  
夫去國三十里而軍不行乃增壘開與非趙地也  
秦既遠秦間為卷甲而趨三日一夜至令善射者  
各射五十里而軍秦人聞之悉甲而至有一卒

鄧文

曰先據北山者勝奢使萬人據之秦人來爭不得  
奢因縱擊大破之關與遂得解○賈林曰敵途本  
近我能迂之者或以羸兵或以小利於他道誘之  
使不得以軍爭赴也○梅克臣曰遠其途誘以利  
款之也後其發先其至爭之也○能知此者變迂轉  
害之謀也○何氏曰迂途者當行之餘也以分兵  
出奇則當行之途示以迂變設勢以誘敵令得小  
利縻之則出奇之兵雖後發亦先至也言爭利須  
料迂直之勢出奇之故下云分合為變其疾如風是  
也○張預曰形勢之地爭得則勝凡欲近爭便地  
先引兵遠去復以小利啗敵使彼不意我進又貪  
我利故我得以後發而先至○此所謂以迂為直以  
患為利也○趙奢據北山而敗秦軍鄆淮也北原而  
走諸葛是也○能後發先至者明於度數知以迂為  
直之謀者也

故軍爭為利軍爭為危

曹操曰善者則以利不善者則以危○李筌曰夫  
將善則利不善則危○杜牧曰善者計度審



也。○賈林曰：我軍先至，得其便利之地，則為利。彼敵先據，其他我三軍之眾，馳往爭之，則敵佚我勞。危之道也。○梅堯臣曰：軍爭之為事，有利也，有危也。○又一本：本作軍爭為利，眾爭為危。○何氏曰：此又言出軍行師，驅三軍之眾與敵相角逐，以爭一日之勝，得之則為利，失之則為危，不可輕率。○張預曰：知者爭之，則為利；庸人爭之，則為危。明者知迂直，愚者昧之，故也。

### 舉軍而爭利則不及

曹操曰：遲不及也。○李筌曰：輜重行遲。○賈林曰：行軍用師，必趨其利，遠近之勢，直以舉軍往，爭其利，難以速至。可以潛設奇計，近敵途程，敵不識我謀，則我先而敵後也。○杜佑曰：遲不及也。○舉軍悉行，爭赴其利，則道路悉不相逮。○梅堯臣曰：舉軍悉行，中所有而行，則遲緩。○王哲曰：以輜重故。○張預曰：竭軍而前，則行緩，而不能及利。

### 委軍而爭利則輜重捐

曹操曰：置輜重則恐捐棄也。○李筌曰：委棄輜重，則軍資闕也。○杜牧曰：舉軍之物，行則重滯，遲則不及。○於利委棄輜重，輕兵則進，則恐輜重因此棄捐也。○賈林曰：恐敵知而絕我後糧也。○杜佑曰：棄置庫藏，輕師而行，若敵乘虛而來，抄絕其後，則已輜重皆悉棄捐。○梅堯臣曰：委軍中所有而行，行則輜重棄。○王哲曰：同曹操註。○何氏曰：同杜佑註。○張預曰：委置重滯，輕兵獨進，則恐輜重為敵所掠，故棄捐也。

### 是故卷甲而趨，日夜不處

曹操曰：不得休息罷也。

### 倍道兼行百里而爭利，則擒三將軍

杜佑曰：若不慮上二事，欲從速疾，卷甲束仗，潛軍夜行，若敵知其情，趨而擊之，則三軍之將為敵所擒也。○看秦伯襲鄭，三帥皆獲是也。



勁者先疲者後其法十一而至

曹操曰百里而爭利非也三將軍皆以為擒○李  
 峯曰一日行一百二十里則為倍道兼行行若如  
 此則勁健者先到疲者後至軍健者少疲者多且  
 十人可一人先到餘悉在後以此遇敵何三將軍  
 不擒哉魏武逐劉備一日一夜行三百里諸葛亮  
 以為強弩之末不能穿魯縞○無行三百里諸葛亮  
 壁之敗龐涓追孫臏死於馬陵亦其義也○杜牧  
 曰此說未盡也凡軍一日行三十里為一舍倍道  
 兼行者再舍晝夜不息乃得百里為一舍倍道若  
 如此爭利衆疲倦則三將軍皆須為敵所擒其法  
 什一而至於者不得已必須爭利凡十人中擇一  
 最勁者先往其餘者則令繼後而往萬人中先擇  
 千人平日先至其餘繼至有已午時至者有申未  
 時至者各得不竭其力相繼而至與先往者之得  
 聲響相接凡爭利必是爭奪要害雖千人之守之亦  
 是以抗拒敵人以待繼至者太宗以三千五百騎  
 先據武牢實建德以待繼至者八萬衆而不能前  
 此可知義也

也蓋言百里而爭利勁者先疲者後十中得一而至  
 九皆疲困一則勁者也○賈林曰路遠今疲奔馳  
 力盡如此則我勞敵佚被擊何足百里爭利慎勿  
 為也○杜佑曰百里爭利非也三將軍皆為擒也  
 強弱不伏相待率十里有一人至軍也○羅音疲○梅  
 老臣曰軍曰行三十里而舍今乃晝夜不休行百  
 里故三將軍為其擒也何則涉險既遠勁者少罷  
 者多十中得一至取三將軍者三軍之師也○王  
 翬曰罷羸也此言爭利之道宜近不宜遠耳夫衝  
 風之衰不能起羽毛強弩之道宜近不宜遠耳夫衝  
 夜無行百里趨利縱使一分勁者能至固已困乏  
 矣即敵人以佚擊我之勞自當不敵而敗故曰蜀  
 軍王曰吾倍道兼行此曉兵者之所忌也或曰蜀  
 奢亦卷甲而趨二日一夜卒勝秦者何也曰奢久  
 并氣積力增壘遣間示怯以驕之使秦不意其至  
 兵又堅奢又去關與五十里而軍擊秦秦聞之及發  
 兵至非二三日不能也能來是彼有五里趨敵  
 之勞而我固已二三日休息士卒卒不勝其佚且  
 投之險難先據高湯奇正相因曷為不勝哉○何  
 氏曰言三將出奇求利委軍衆韜重卷甲務速若



晝夜百里不息則勁者能十至其一我勞敵佚敵  
衆我寡擊之末必勝也敗則三將俱擒以此見武  
之深戒也○張預曰卷甲猶悉甲也悉甲而進謂  
輕重俱行也○凡軍日行三十里則止過六十里已  
上為倍道晝夜不息為兼行言百里之遠與人爭  
利輕兵在前輜重在後人罷馬倦者不得飲飢  
者不得食忽遇敵則以勞對佚以飢敵飽又復首  
尾不相及故三軍之帥必皆為敵所擒若晉人獲  
秦三帥是也輕兵之中十人得一人勁捷者先至  
下九人悉疲困而在後况重兵乎何以知輕重俱  
行下文云五十里而爭利則半至若止是輕兵則  
一日行五十里不為遠也馬有半至之理是必重  
兵借道礮張預輕重俱行之說可更

### 五十里而爭利則蹙上將軍其法半至

曹操曰蹙猶挫也○李筌曰百里則十人一人至  
五十里則十人五人至挫軍之威不至擒也言道近  
不至蹙○杜牧曰半至者凡十人中擇五人勁者  
先往也○賈林曰上猶先也○杜佑曰蹙猶挫也

前軍之將已為敵所蹙收○梅克臣曰十中得五  
猶遠不能勝○王贊曰罷勞之退減於太半○  
敗而已○張預曰路不甚遠十中或五至猶挫軍威  
况百里乎蹙上將謂前軍先行也或問曰唐太宗  
征宋金剛一日一夜行二百餘里亦能克勝者何  
也吞曰此形同而勢異也且金剛既敗衆心已沮  
迫而蹙之則河東立平若其緩之賊必生計此太  
宋所以不計疲頓而力逐也孫子所陳爭利之法  
蓋與此異矣

### 三十里而爭利則三分之二至

曹操曰道近至者多故無死敗也○李筌曰近不  
疲也故無死○杜牧曰三十里內九十人中不可  
以六七人先往也不言其法者舉上文可知也○  
杜佑曰道近則至者多故不言死敗勝負未可知  
也古者用師曰行三十里步騎相須今徒而趨利  
三分之二至○梅克臣曰道近至者多故或然雖  
王贊曰計彼我之勢宜須爭者或亦當然雖三分  
二至蓋其精銳者之力未至勞乏不可決以為敗



故不云其法也。○張預曰：路迫不疲，至者太半不  
失。行列之政，不絕人馬之力，庶幾可以爭勝。上三  
事皆謂舉軍而爭利也。

是故軍無輜重則亡，無糧食則亡，無委積則亡。

曹操曰：無此三者亡之道也。○李筌曰：無輜重者，  
關所供也。素紹有十萬之衆，魏武用者，依計焚燒，  
紹輜重而敗。紹於官渡，無糧食者，雖有金城，不重  
於食也。夫子曰：足食足兵，民信之矣。故漢赤眉百  
萬衆，無食而君臣面縛，宜陽是也。先月兵者，先耕  
而後戰，無委積者，財乏闕也。漢高祖與關中光武  
無河內，魏武無交州，軍士身道，豈能後振也。○杜  
牧曰：輜重者，器械及軍士衣裝，委積者，財貨也。○  
陳師曰：此說委軍爭利之難也。○梅堯臣曰：三者  
不可無，是不可委軍而爭利也。○王質曰：委積謂  
薪芻、菑材之屬，軍恃此三者以濟，不可輕離也。○  
張預曰：無輜重則器用不供，無糧食則軍餉不足，  
無委積則財貨不充，皆亡覆之道也。此三者謂委軍  
而爭利也。

故不知諸侯之謀者不能豫交。

曹操曰：不知敵情，謀者不能結交也。○李筌曰：預  
備也。知敵之情，必備其交也。○杜牧曰：非也。豫先  
也。交兵也。言諸侯之謀，先須知之。然後可交兵。  
合戰若不知其謀，固不可與交兵也。○陳師曰：曹  
說以爲不知其謀，固不可與交兵也。○陳師曰：曹  
說並通。○梅堯臣曰：不知敵國之謀，則不能預交。  
鄰國以爲援助也。○張預曰：先知諸侯之實情，然  
後可與結交。不知其謀，則恐翻覆爲患。其鄰國爲  
援，亦軍爭之事故。下文云：先至而得天下之衆者，  
爲衢地，是也。

不知山林險阻，沮澤之形者，不能行軍。

曹操曰：高而崇者爲山，衆樹所聚者爲林，坑壑者  
爲險，一高一下者爲阻，水草漸洳者爲沮，衆水所  
歸而不能流者爲澤。○梅堯臣曰：軍之所據，及山川之形，  
者不能行師也。○張預曰：高而崇者爲山，衆樹所聚者  
爲林，坑壑者爲險，一高一下者爲阻，水草漸洳者  
爲澤。○梅堯臣曰：軍之所據，及山川之形，沮澤之形，  
木聚者爲林，坑壑者爲險，一高一下者爲阻，水草漸



能知者為沮衆水所歸而不流者為澤凡此地形悉

### 不用鄉導者不能得地利

李筌曰入敵境恐山川隘狹地土泥濘井泉不利  
使人導之以得地利易曰即慮無虞則其義也○  
杜牧曰管子曰凡主兵者必先審知地圖輟轅之  
險濫車之水名山通谷川陵陸阜阜之所在直  
草林木蒲葦之所茂道里之遠近城郭之大小名  
邑廢邑園殖之地必盡知之李靖曰凡入之相錯者  
畫歲之然後不失地利也夫選明察之士兼使鄉導  
和掩襲頭擇勇敢之夫選明察之士兼使鄉導  
歷山林密其聲晦其跡或刻為獸足而却履於中  
途或上冠微禽而紛伏於藪薄然後傾耳以遠聽  
練目而深視專智以度事機注心而視氣色觀水  
痕則知敵濟之早晚觀樹動則可辨來寇之驅馳  
故烽火莫若謹而審旌旗莫若齊而一賞罰必重  
而不欺刑戮必嚴而不捨敵之動靜而我有所備也  
敵之機謀而我先知也○陳皞曰凡此地利非用  
鄉人為導引則不能知地利也○杜佑曰凡此地利非用

鄉人而導軍者則不能得道途之便利也○梅堯  
臣曰凡丘陵原衍之向背城邑道途之迂直非人  
引導不能得也○何氏曰鄉導略曰從禽者若無  
山虞之官度其形勢之可否則徒入於林也終不  
能獲厥矣出征者若無彼鄉之人導其道路之迂  
直則雖至於境外終不能獲也○夫以奉辭致討  
趨未歷之地聲教未通各驛所絕深入其阻不亦  
艱哉我孤軍以往彼密嚴而待客王之勢已相遠  
矣况其專任說謊多方以誤我奇不計而直進冒  
危而長驅濟險則有壅法之害醉行則有暴來之  
闕而止則有虛驚之憂倉卒無備落其彀中是乃  
擁熊虎之師自投於死地又安能摩過壘蕩狡穴  
手故敵國之山川陵陸阜阜之可以設險者林木  
滿葦茂草之可以隱藏者道里之遠近城郭之積  
小邑落之寬狹田壤之肥瘠溝渠之深淺蓄積之  
豐約卒乘之眾寡器械之堅脆必能盡知之則虜  
在目中不足擒也昔張騫常使木夏留匈奴中久  
導軍知利害水草處其軍得無飢渴亦能獲  
其便利也凡用鄉導或軍行虜獲其人須防賊謀  
陰持姦計為其誘誤必在鑒其色察其情參驗敵



人之言始終如一乃可為準厚其須賞使之懷恩  
豐其室家使之係心即為吾人當為反覆然不如  
素畜堪用者但能諳練行途不必土人亦可住也  
仍選腹心智勇之士挾而偕往則巨細必審指蹤  
無矢矣○張預曰山川之夷險道路之迂直必用  
鄉人引而導之乃可知其所利而爭勝吳伐魯鄆  
人道正之以克  
武城是也

### 故兵以詐立

杜牧曰詐敵人使不知我本情然後能立勝也○  
梅堯臣曰非詭道不能立事○王哲曰謂以迂為  
直以患為利也○何氏曰張形勢以誤敵也○張  
預曰以變詐為本使敵不知吾奇正所在則我可

### 利動

杜牧曰利者見利始動也○梅堯臣曰非利不可  
動○王哲曰誘之也○何氏曰量敵可擊則擊○

### 以分合為變者也

張預曰見利乃動不學  
發也傳曰三軍以利動  
曹操曰兵一分一合以敵為變也○李筌曰以詭  
詐乘其利動或合或分以為變化之形○杜牧曰  
分合者或分或合以惑敵○陳皞曰人觀其應我之形然後  
能變化以取勝也○陳皞曰乍合作分隨而更變  
之也○孟氏曰兵法詭詐以利動敵心或合或離  
為變化之術○梅堯臣王哲同曹操註○張預曰  
或分散其形或合聚其勢皆因敵動靜而為變化  
也或曰變謂奇正相變使敵莫測故衛公兵法云  
兵散則以合為奇兵合則以散為奇三令五申三  
散三合復歸于正焉

### 故其疾如風

曹操曰擊空虛也○李筌曰進退也其來無跡其  
退至疾也○梅堯臣曰來無形跡○王哲曰速乘  
虛也○何氏同梅堯臣註○張預曰其來疾暴所  
向皆靡



其徐如林

曹操曰不見利也。李筌曰整陳而行。杜牧曰徐緩也。言緩行之時須有行列如林木也。恐為敵人之掩襲也。孟氏曰言緩行須有行列如林以防其掩襲。杜佑曰不見利不前如風吹林小動而其人不移。梅堯臣曰如林之森然不乱也。王哲曰齊肅也。張預曰徐舒也。舒緩而行若林木之森然謂未見利也。尉繚子曰重者如林如山。輕者如炮如燔也。

侵掠如火

曹操曰疾也。李筌曰如火燎原無遺草。杜牧曰猛烈不可禦也。賈林曰侵掠敵國如火燎原不可往復。張預曰詩云如火烈烈莫我敢遏。言勢如猛火之熾誰敢禦我。

不動如山

曹操曰守也。李筌曰駐車也。杜牧曰閉壁屹然不可動也。賈林曰未見便利敵誘誑我。

曰不動如山之安。梅堯臣曰峻不可犯。王哲曰聖守也。河氏曰止如山之鎮靜。張預曰以持重也。荀子議兵篇云圓居而方正則若盤石然觸之者角摧言不動之時若山石之不可移犯之者其角之毀。

難知如陰

李筌曰其勢不測如陰不能觀萬象。杜牧曰玄雲蔽天不見三辰。梅堯臣曰幽隱不測。王哲曰形藏也。何氏曰暗秘而不可料。張預曰如陰雲蔽天莫觀辰象。

動如雷震

李筌曰盛怒也。杜牧曰如空中擊下不知所避也。賈林曰其動也疾不及應。木公曰疾雷不及掩耳。梅堯臣曰迅不及避。王哲曰不虞而至。何氏曰藏謀以奮如此。張預曰如迅雷忽擊不知所避。故木公曰疾雷不及掩耳。迅雷不及掩耳。迅雷不及掩耳。迅雷不及掩耳。



掠鄉分衆

曹操曰因敵而制勝也。李奎曰抄掠必分兵為數道懼不虞也。杜牧曰敵之鄉邑衆落無有守兵六畜財穀易於剽掠則須分番次第使衆人皆得往也不可獨有所往如此則大小強弱皆欲與敵爭利也。陳皞曰夫鄉邑村落因非一處察其無備分兵掠之掠鄉一作指向。賈林曰三軍不可言道故以旌旗指向為勢此充順訓諫分明師徒分衆故因敵陳形可為勢。王哲曰王哲曰指所鄉以分其衆。梅克臣曰以饗士卒。王哲曰指所鄉張預曰用兵之道大率務因糧於敵然而鄉邑之民所積不多必分兵隨處掠之乃可足用。

廓地分利

曹操曰分敵利也。李奎曰得敵地必分守利害。杜牧曰廓開也。開土拓境則分割與有功者。韓信言于漢王曰項王使人有功當封爵者刻印利忍不能與今大王誠能反其道以天下城邑封功

位天下不足取也。王岩曰獲地裂之。陳皞曰言獲其土地則屯兵種蒔以分敵之利也。賈林曰廓度也。度敵所據地分其利也。梅克臣曰廓有功也。王哲曰郭視地形以勝便利勿使敵專也。張預曰開郭平易之地必分兵守利不使敵人得之。或云得地則分賞有功者。今觀上下之文恐非此謂也。

懸權而動

曹操曰量敵而動也。李奎曰權量秤也。敵輕重與吾有銖鎰之別則動夫先動為客後動為主客難而主易太一遁甲定計之義明動易也。杜牧曰如衡懸權秤量已定然後動也。何氏曰杜牧註曰張預曰如懸權於後率言權量敵之輕重審察繆子曰權敵審將而後率言權量敵之輕重審察將之賢愚然後舉也。

先知迂直之計者勝此軍爭之法也

系子集主



李筌曰迂直道路勞佚餒寒生於道路○杜牧曰言軍爭者先須計遠近迂直然後可以為勝其計量之審如懸權於衡不失錙銖然後可以動而取勝此乃軍爭勝之法也○梅堯臣曰稍重利害而動在預知遠近之方則勝也○王管曰量敵審輕重而動又知迂直必勝之道也○張預曰凡與人爭利必先量道路之迂直審察而後動則無勞頓寒餒之患而且進退遲速不失其機故勝也

軍政曰

梅堯臣曰軍之舊典王喬曰古軍書

言不相聞故為金鼓

杜佑曰金鉦鐸也聽其音聲以為耳候○梅堯臣曰以威耳也耳威於聲不可不清○王喬曰鼓聲疾徐號數皆有其節

視不相見故為旌旗

杜佑曰瞻其指麾以為目候○梅堯臣曰以威目也目威於色不得不明○王喬曰表部曲行列齊

夫金鼓旌旗者所以一人之耳目也

李筌曰亂也進鐸退旌賞而旌罰耳聽金鼓目視旌旗故不用兵此眾占地必廣首尾相濼耳目不接故設金鼓之聲使眾之相聞立旌旗之形使之相見如關寡形名是也

人既專一則勇者不得獨進怯者不得獨退此用眾之法也

杜牧曰旌以出令旗以應號蓋旗者即今之信旗也軍法曰當進不進當退不退者斬之吳起戰未合有一夫不勝其勇前獲獲首而曰信



材士非令也乃斬之○梅堯臣曰一一人之耳目者  
謂使人之視聽齊一而不亂也鼓之則金之則  
止麾右則右麾左則左不可以勇怯而獨先也○  
王奮曰使三軍之氣勇法進退齊一者鼓旗之  
為也○張預曰士卒專心一意惟在於金鼓旗  
旗之號令當進則進當退則退一有違者必戮故  
曰令不進而進與令不退而退厥罪均將者之  
曰鼓鳴旗麾先登者未嘗非多力國士也將者之  
過也言不可賞先登獲  
將者恐進退不一耳

### 故夜戰多火鼓書戰多旌旗所以變人之耳目也

李峯曰火鼓夜之所視聽旌旗書之所指揮○相  
牧曰令軍士耳目皆隨旌旗火鼓而變也或曰夜  
戰多火鼓其旨如何夜黑之後必無原野列陳與  
敵刻期而戰也軍襲敵營鳴鼓然火遠之以警敵  
人之耳目明敵人之目於我之微音也凡夜戰者蓋敵人未  
哉問乎此乃孫武之微音也凡夜戰者蓋敵人之未  
襲我壘不得已而與之戰其法在於主營之法與  
陳小向故志曰止則為營行則為陳蓋大陳之法與

必色小陳大營之中亦色小營蓋前後左右之軍  
各自有營環繞大將之營居於中央諸營環之隅  
落鈞聯曲折相對象天之壁壘星其營相去上不  
過百步下不過五十步道徑通達是以出隊列部  
壁壘相望足以為相救每於十字路口必立小  
堡上致柴薪穴為暗道胡梯上之令人看守夜黑  
之後聲鼓四起即以燔燎是以賊夜襲我雖入營  
門四顧以然復有小營各自堅守東西南北未  
所攻大將營或諸小營中先有賊至者放令盡  
入然後擊鼓諸營齊應衆聲燎燎火明如晝自諸營  
兵士於是閉門登壘下瞰敵人勁弩強弓四向諸  
發敵人不襲我來則必敗若敵人或能潛入一營即  
恐夜不襲我來則必敗若敵人或能潛入一營即  
諸營奉火出兵四面繞之號令營中不得輒動頃  
更之際善惡自分賊若出走皆在羅網矣故司馬  
宣王入諸葛亮營壘見其曲折曰此天下之奇才  
也今之立營通洞豁達雜以居之若有賊夜來所  
營萬人一時驚擾雖多致兵候嚴為備守晦黑之  
後彼我分雖有衆力亦不能用○陳師曰杜言  
夜黑之後必無原野列陳與敵人刻期而戰非也



天寶末其光弼以四五百騎趨河陽多列火炬首尾  
不息史思明數萬之衆不敢逼之豈止待賊所營  
而已○賈林曰火鼓旗旗可以聽望故晝夜異用  
之○梅堯臣曰多者欲以變惑敵人耳目○王哲  
曰多者所以震駭視聽使熱我之威武聲氣也傳  
曰多鼓鈞聲以夜軍之○張預曰凡與敵戰夜則  
火鼓不息書則旌旗相續所以變亂敵人之耳目  
便不知其所以備我之計越伐吳水而陳越為  
左右向卒使夜或左或右鼓躁而進吳師分以禦  
之遂為越所敗是惑以火鼓也晉伐齊使司馬斥  
山澤之險雖所不至必旆而陳陳之齊侯畏而脫  
婦是惑以旌旗也

### 故三軍可奪氣

曹操曰左氏言一鼓作氣再而衰三而竭○李本  
曰奪氣奪其銳勇齊伐魯戰於長勺齊人一鼓公  
將戰曹劌曰未可齊人二鼓劌曰可矣乃戰齊師  
敗績公問其故劌曰夫戰勇氣也一鼓作氣再而  
衰三而竭彼竭我盈故克之奪三軍之氣也○杜  
牧曰司馬法戰以力久以氣勝齊伐魯莊公將戰

於長勺公將鼓之曹劌曰未可齊人二鼓劌曰可  
矣齊師敗績公問其故對曰夫戰勇氣也一鼓作  
氣再而衰三而竭彼竭我盈故克之奪三軍之  
文欽反諸軍屯樂嘉司司景王街校徑造之欽子  
焉年十八勇冠三軍曰及其未定請登城鼓噪擊  
之可破既而三躁之欽不敵應奮退相與引而東  
景王謂諸將曰欽進矣發銳軍以追之諸將曰欽  
將驚小而銳列軍內入未有失利必不走也王  
曰一鼓作氣再而衰三而竭焉鼓而欽不應其勢  
已屈不走向待欽果引六○王哲曰震熱衰情則  
軍氣奪矣○何氏曰淮南子曰將充勇而輕敵卒  
果敢而樂戰三軍之衆百萬之師志屬青雲氣如  
飄風聲如雷霆誠積瑜而成加敵人之此謂氣勢  
子曰三軍之衆百萬之師張設輕重在於一人是  
謂氣机故奪氣者有所待有所乘則可矣○張預  
曰氣者戰之所恃也夫舍生稟血鼓作聞爭雖死  
不省者氣使然也故用兵之法若激其士卒令上  
下同怒則其鋒不可當故敵人新來而氣銳則且  
奪也尉繚子謂氣實則開氣奪則走者此之謂也



曹劌言一鼓作氣者謂初來之氣盛也再而衰三  
而竭者謂陳久而人倦也又李靖曰守者不止完  
其壁堅其陳而已必也守吾氣而有待焉所謂守  
其氣者常養吾之氣使銳盛而不衰然後被之氣  
可得而奪也

### 將軍可奪心

李筌曰心之令憤挽之令亂間之令踈卑之令驕  
則彼之心可奪也○杜牧曰心者將軍心中所倚  
賴以為萬者也後漢寇恂征隗囂將高峻守高  
平第一峻遣軍將皇甫文出謁恂辭禮不屈恂怒  
斬之遣其副峻惶恚即日開城門降諸將曰敢問  
殺其使而降其城何也恂曰皇甫文峻之腹心其  
所取計者今來辭氣不屈必無降心全之則文得  
其計殺之則峻亡其胆是以降耳後燕慕容垂遣  
子寶率眾伐後魏始寶之來垂已有疾自到五原  
道武帝斷其來路父子間絕道武乃說其行人之  
辭令臨河告之曰父已死何不還還寶兄弟聞之  
憂懼以為信然因棄道去道武襲之大破於參合

彼○梅堯臣曰以鼓旗之變惑奪其氣軍既奪氣  
將亦奪心○王皙曰紛亂喧嘩則將心奪矣○何  
氏曰先須已心能固然後可以奪敵將之心故傳  
曰先人有奪人之心○司馬法曰本心固新氣勝者  
是也○張預曰心者將之所主也夫治亂勇怯皆  
主於心○故善制敵者持之而使亂激之而使  
之而使懼故彼之心謀可以奪也傳曰先人有奪  
人之城擊其陳而敗必安開而不亂然後彼之心  
攻其城擊其陳而敗必安開而不亂然後彼之心  
其心者常養吾之心使安開而不亂然後彼之心  
可得而奪也

### 是故朝氣銳

陳暉曰初來之氣氣方盛銳勿與之爭也○孟氏  
曰司馬法曰新氣勝舊氣新氣即朝氣也○王皙  
曰士衆先初  
舉氣銳也  
書曰氣惰



王哲曰漸  
久少怠

暮氣歸

孟氏曰朝氣初氣也晝氣再作之氣也暮氣衰竭  
之氣也○梅克臣曰朝言其始也晝言其中也暮  
言其終也謂兵始而銳久則惰而思歸故可擊○  
王哲曰怠久意歸無復戰理

故善用兵者避其銳氣擊其惰歸此治氣者也

季荃曰氣者軍之氣勢○杜牧曰陽氣生於子成  
於寅衰於午伏於申九晨朝陽氣初盛其來必銳  
故須避之候其衰伏擊之必勝武德中太宗與竇  
建德戰於泥水東建德列陳彌亘數里太宗將數  
騎登高視之謂諸將曰賊度險而置是軍無政令  
逼城而陳有輕我心按兵不出待敵氣衰陳自平  
既必將自退退而擊之何往不克建德列陳自平  
至午兵士飢倦悉列坐石又爭飲水太宗曰可擊  
矣遂戰生擒建德○陳暉曰有辰巳列陳至午未  
未戰者午未列陳至申酉未勝者不必事須晨旦

悔

而為陽氣中午而為衰氣也太宗之攻建德也登  
高而望之謂諸將曰賊盡銳來攻我當少避之退  
則可以騎留○以明不須晨旦也○凡彼有銳則如  
此避之不然則否○杜佑曰避其精銳之氣擊其  
懈惰欲歸此理氣者也○曹劌之說也○梅克臣  
曰氣盛勿擊衰懈易敗○何氏曰夫人情莫不樂  
安而惡危好生而懼死○無故驅之就死○聞之氣  
益於兵戰之場其心難而不顧犯危而不畏則未嘗  
一更乘而激之冒難而不顧犯危而不畏則未嘗  
不悔而怯矣○今夫天下懦夫心有所激則率爾爭  
聞不營諸劇○至於操刀而求鬪者氣之所乘也氣  
衰則息惻然而海矣言三軍之視強寇如視處女  
者乘其忿怒而有所激也○是以則墨之圍五千  
擊却燕師者乘燕剽降掘塚之怒也○秦之圍士倍  
我者因三施無報之怒也○所以我急而秦奮也二  
治氣有退而所用乘其怒也○張預曰朝喻始晝  
喻中暮喻末○非以早晚為辭也○凡人之氣初來新  
至則勇銳陳久人倦則衰故善用兵者當其銳盛  
則堅守以避之待其惰歸則出兵以擊之此所謂  
善治已之氣以奪人之氣者也○前趙將游于遠之



敗伊餘焉唐中太宗

以治待亂以靜待譁此治心者也

李荃曰同敵之變因而乘之○杜牧曰司馬法曰  
本心固言料之制賊本心已定但當調治之使安  
靜堅固不為事撓不為利惑候敵之亂伺敵之譁  
則出而攻之矣○陳曉曰政令不一賞罰不明謂  
之業旌旗錯雜行伍輕重謂之譁審敵如是則出  
攻之○賈林曰以我之整治待敵之撓亂以我  
清淨待敵之喧譁此治心者也故太公曰事莫大  
於必者用莫大於玄默也○梅堯臣曰鎮靜待敵  
衆心則○王哲同陳曉註○何氏曰夫將以  
身之寡○心之微連百萬之衆對虎狼之敵利害  
之相雜勝負之紛撓權智萬變而措置於胸臆之  
中非其中廓然方寸不乱豈能應變而不窮處事  
而不達卒然遇大難而不驚衆然接萬物而不惑  
吾之治足以待故吾之靜足以待譁前有百萬之  
敵而吾視之則如遇小退受夫之禦寇也堅卧而  
言之樂歲之臨敵也舒以整又好以避大勇此下

○人者蓋以何術哉蓋其心治之有定養之有餘  
○張頊曰治以待亂靜以待譁安以待躁忍以待  
○急嚴以待懈此所謂善治已之心以奪入之心者

以近待遠以佚待勞以飽待饑此治力者也

李荃曰客主之勢○杜牧曰上文云致人而不致  
於人是也○杜佑曰以我之近待彼之遠以我之  
開佚待彼之疲勞以我之充飽待彼之飢虛此理  
人力者也○梅堯臣曰無困竭人力以自弊○王  
哲曰以餘制不足善治力也○張頊曰近以待遠  
佚以待勞飽以待飢誘以待來重以待輕此所謂  
善治已之力以困人之力者也

無邀正正之旗勿擊堂堂之陳此治變者也

曹操曰正正齊也堂堂大也○李荃曰正正者齊  
整也堂堂者部分也○杜牧曰堂堂者無懼也兵  
者隨敵而變敵有如此則勿擊之是能治變也  
漢曹公遠鄴素尚未救公曰尚若徒大道来當



破之也。○梅堯臣曰：正正而來，堂堂而陳，示無懼也。必有奇變。○王皙曰：本可要擊，以視整齊盛大，故變。○何氏曰：所謂強則避之。○張預曰：正正謂形名齊整也。堂堂謂行陳廣大也。敵如如此，豈可輕戰？軍政曰：見可而進，知難而退，又曰：強而避之，言須識變通，此所謂善治變化之道，以應敵人者。

### 故用兵之法，高陵勿向，背丘勿逆。

李筌曰：地勢也。○杜牧曰：向者仰也，背者倚也。逆者迎也。言敵在高原，不可仰攻，倚丘山下，來水戰不可逆之。此言自下趨高者，力之自高，趨下者勢順也。故不可向迎。○孟氏曰：敵背丘陵為陳，無有後患，則當引軍平地，勿迎擊之。○杜佑曰：敵若依據丘陵險阻，陳兵待敵，勿輕攻趨也。既持勢不便，及有強石之衝也。○梅堯臣曰：高陵勿向者，敵處其高，不可仰擊，背丘勿逆者，敵自高而來，不可逆戰，勢不便也。○王皙曰：如此不便，則當嚴陳以待變也。○何氏曰：秦伐韓，韓趙王合趙奢救之，秦人

聞之，悉甲而至。軍士許歷請以軍事諫曰：秦人不意趙師至此，其來氣盛，將軍必厚集其陳以待之。不然，必敗。今先據北山上者，勝後至者，敗。奢從之。即發萬人趨之。秦兵後至，爭山不得，上奢縱兵擊之，大破秦軍。後周遣將伐高齊，圍洛陽，齊將段韶禦之，登印坂，即欲觀周軍形勢，至大和谷，便值周軍即遣馳告諸營，與諸將結陳以待之。周軍以步人在前，上山逆戰，韶以彼步我騎，且却且引，得其力，弊乃遺下馬擊之，短兵始交，周人大潰，並即奔。○張預曰：敵處高為陳，不可仰攻。人馬之馳逐，孤矢之施發，皆不便也。故諸葛亮曰：山陵之戰，不仰其高，敵從高而來，不可迎之。勢不順也。引至平地，然後令戰。

### 佯北勿從。

李筌杜牧曰：恐有伏兵也。○賈林曰：敵未衰，忽然奔北，必有奇伏，要擊我兵。謹勸將士勿令逐追。○杜佑曰：北奔走也。敵方戰，氣勢未衰，便奔走而陳兵者，必有奇伏，勿深入從之。故木公曰：夫出甲陳



兵縱卒亂行者欲以為變也。○梅克臣同杜牧註  
○王哲曰：勢不至北，必有詐也。則勿逐。○何氏曰：  
如戰國秦師伐趙，趙奢之子括代廉頗將，拒秦於  
長平。秦陰使白起為上將軍，趙出兵擊秦，秦軍佯  
敗而走，張二奇兵以劫之。趙軍逐，秦壁堅，秦  
堅，不得入。而秦奇兵二萬五千人，絕趙軍後，又  
軍五千騎，絕趙壁間。趙軍分而為二，糧道絕，而秦  
出輕兵擊之。趙戰不利，因築壁堅守，以待救。至秦  
聞趙食道絕，王自之，河內發卒，遮絕趙救，及糧食  
趙卒不得食，四十六日，陰相殺，食絕，趙救及糧食  
劉表遣劉備北，侵至鄴，曹公遣夏侯惇、李典拒之。  
一、朝備燒屯，去博，諸將追擊之，典曰：賊無故退，  
疑必有伏，伏南道窄狹，草木深，不可追也。不聽，惇等  
果入，賊伏，李典往救，備見救，遂至，乃退。西魏未遣將  
史寧與梁厥同伐吐谷渾，遂至樹敦，即吐谷渾之  
舊都，多諸珍藏，而其主先已奔賀真，城留其征南  
王及數千人，固守，事攻之，偽退，吐谷渾人果開門  
逐之，因回兵奪門，門未及，闔軍兵逐，得入，半獲其  
征南王，俘獲男女財寶，盡歸。諸突厥北齊，高澄立  
侯景叛，歸梁，而圍彭城，遣慕容紹宗討之，將戰

紹宗以劉人剽悍，恐其眾之挽也，召將師而語之  
曰：我當佯退，誘梁人使前，汝可擊其背，申明誠之。  
景又命梁人曰：逐北，勿過二里，會戰。紹宗走梁人，  
不用景言，乘敗，深入魏人，以紹宗之言為信，爭掩  
擊，遂大敗之。唐安祿山反，郭子儀圍衛州，偽鄭王  
慶緒率兵來援，分為二軍，子儀陳以待之，預選射  
者三千人，伏於壁內，誠之曰：俟吾小却，賊必爭進，  
則登城鼓譟，弓弩齊發，以逼之。既戰，子儀偽退，而  
賊果乘之，乃開壘門，遽聞鼓譟，矢注如雨，賊皆震  
駭，整眾追之，遂虜慶緒。○張預曰：敵人奔北，必震  
真偽，若旗鼓齊應，號令如一，若旗靡，紛紜，雖退走，  
敗也。必有奇也，不可從之。若旗靡，紛紜，雖退走，  
此真敗，却也。

說率勿攻

李奎曰：避強氣也。○杜牧曰：避實也。楚子伐隋，隋  
臣季良曰：變人尚左，君必左，無與王遇，且攻其右，  
右無良馬，必敗。偏敗，眾乃攜矣。隋少師曰：不當王  
非敵也，不從。隋師敗績。○陳暉曰：此說是避敵所



長非銳卒勿攻之直也蓋言士卒輕銳且勿攻之  
待其懈情然後擊之所謂千里遠調其鋒莫當蓋  
近之爾○梅堯臣曰伺其氣挫○何氏曰如蜀先  
主率木衆東伐吳吳將陸遜拒之蜀主從建平連  
圍至夷陵界立數十屯以金帛爵賞誘動諸夷先  
遣將吳班以數千人於平地立營欲以挑戰諸將  
皆欲擊之遜曰備舉軍東至銳氣正盛且乘高守  
險難可卒攻之○繼下猶難○若有利損我  
必大○今但有獎勵將士廣施方○若不利損我  
其計不行乃引伏兵八千人從谷中出遜曰所以  
不聽諸軍擊班者揣之必有巧故也諸將並曰攻  
備當在初今乃令人五六百里相御持經七八月  
其諸要害賊已固守擊之必無利矣遜曰備是猾  
虜其軍始集思慮精專未可干也今住已久不得  
先攻下營不利遜曰吾已曉破之術乃令各持  
一把茅以火攻拔之備因夜遁魏末吳將諸葛恪  
圍新城司馬景王使母立險文欽守拒之儉欲請  
戰景王曰恪卷甲深入投兵死地其鋒未易當且  
新城而固攻之未可拔遂令諸將高壘以弊之

相持數日恪攻城力屈死傷大半景王乃令欽  
銳卒趁合榆斷其歸路恪懼而遁前趙劉曜遣將  
討羌大酋權渠率衆保險阻權渠將游子遠頻敗之  
權渠欲降其子伊餘大言於衆中曰往年劉曜自  
來猶無若我何晨墜子遠壘門左右勸出戰子遠  
曰吾聞伊餘有專諸之勇慶忌之捷其父新敗怒  
氣甚盛且西戎勁悍其鋒不可擬也不如緩之使  
氣竭而擊之乃堅壁不戰伊餘有驕色子遠候其  
無備夜分誓衆休馬蓐食先晨具甲掃壘而出遲  
明設覆而戰生擒伊餘于陳唐武德中太宗率師  
往河東討劉武周江夏王道宗從軍太宗登王壁  
城觀賊顧謂道宗曰賊恃其衆來邀我戰汝謂如  
何對曰群賊鋒不可當易以計厭難與力爭令衆  
深壁高壘以挫其鋒烏合之徒莫能持久糧運致  
竭自當離散可不戰而擒太宗曰汝意見暗與我  
折城賊十有餘萬兵鋒甚銳數來挑戰諸將請  
戰太宗曰我卒新經挫銳氣猶少賊驟勝必輕  
進好聞我且閉壁以待其氣衰而後擊可相  
戰而破此萬全計也因令軍中曰敢言戰者斬相



持久之賊糧盡軍中頗攜貳其將相繼來降太宗  
 知在果必腹內離謂諸將曰可以戰矣令總管梁  
 實營於淺水原以誘之賊木將宋羅暎自恃驕悍  
 求戰不得氣憤者久之及是盡銳攻梁實冀逞其  
 志梁實固險不出以挫其鋒羅暎攻之愈急太宗  
 度賊已疲復謂諸將曰彼氣將衰吾當取之必矣  
 申令諸將遲明合戰令將軍龐玉陳於淺水原南  
 出賊之右先餌之羅暎併軍以戰玉軍幾敗太宗  
 親禦大軍奄自原北出其不意羅暎四師相拒我  
 師表裏齊奮呼聲動天羅暎氣奪於是大潰又李  
 靖從河間考恭討蕭銜兵至夷陵銜將文士私  
 率精兵數萬屯清江考恭擊之銜曰士弘銳之  
 健將士卒驍勇今新出荆門盡兵出戰此是救敗  
 之師恐不可當也宜且泊南岫勿與爭鋒待其氣  
 衰然後奮擊破之必矣考恭不從留將守營與賊  
 戰考恭果敗奔於南岫○張預曰敵若乘銳而未  
 其鋒不可當且少避之以伺疲性晉楚相持楚晨  
 壓晉軍而陳軍吏患之樂書曰楚師輕窳固壘以  
 待之二日必退退而擊之必獲勝焉又唐太宗征  
 薛仁果賊兵鋒甚銳數來挑戰諸將咸請戰太宗

餌兵勿食

曰當止閉壘以折之待其  
 氣衰可一戰而破也果然

李奉曰秦人毒涇上流杜牧曰敵忽棄飲食而去  
 先須嘗試不可便食慮毒也後魏文帝時軍莫美  
 侵擾詔濟陰王新成率眾討之王乃多為毒酒賊  
 既漸逼使棄營而去賊至喜競飲酒酣毒作王簡  
 輕騎縱擊俘獲萬計○陳暉曰此之獲勝蓋非偶  
 然固非為將之道垂後世法也孫子豈以他人不  
 能致毒於人腹中哉此言喻魚若見餌不可食也  
 敵若懸利不可貪也曹公與袁紹將文醜等戰諸  
 將以為敵騎多不如還營荀攸曰此所以餌敵也  
 安可去之則知餌兵非止謂實毒也食字疑或為  
 貪字也○梅堯臣曰魚貪餌而亡兵貪餌而敗敵  
 以兵來釣我我不可從○王皙曰餌我以利必有  
 奇伏○何氏曰如春秋時楚伐絞軍其南門莫敖  
 屈瑕曰絞小而輕則寡謀請無扞采樵者以誘  
 之從之絞人獲三十人明日絞人爭出驅楚徒  
 於山中楚人坐其北門而覆諸山下大敗之為城



下之盟而還。又如赤眉佯敗棄輜重走車載土以  
皇獲其上。鄧弘取之為赤眉所敗。曹公未得濟而  
被牛馬馬超取之。而公所得渡。又如曹公乘輜重文  
醜劉備分取之。而為公所破。又如後魏廣陽王元  
深以也。列河誘叛陵竟來抄掠。拔陵為十謹伏兵  
所破。此皆餌之術也。○張預曰。三峽曰。香餌之  
下必有懸魚。言魚貪餌則為釣者所得。兵貪利則  
為敵人所敗。夫餌兵非止謂實毒於飲食。但以利  
留敵皆為餌也。若曹公以畜產餌馬超。以輜重餌  
袁紹。李矩以止馬。餌石勒之類是也。

歸師勿遏

李筌曰。士卒思歸志不可遏也。○杜牧曰。曹公自  
任張繡於穰。劉表遣兵救繡。以絕軍後。公將引還  
繡兵來追。公軍不得進。表與繡復合兵守險。公軍  
前後受敵。公乃夜鑿險為地道。悉過輜重。設奇兵  
步騎來攻。大破之。公謂荀彧曰。虜過吾歸師。而  
與吾死地。吾是以知勝矣。○孟氏曰。人懷歸心。必  
能死戰。則不可止而擊也。○杜佑曰。人人有室家  
鄉國之往。不可遏截之。徐規其變而制之。○梅堯

臣曰。敵必死戰。○王翳曰。人為戰也。勿遏塞之  
若猶有他慮。則可要而擊。曹公攻魏。衣尚未救。諸  
將以為歸師。不知避之。公曰。尚從大道。米則過之。  
若過西。則顧負險。此有成擒耳。蓋大道米則過之。  
操圍張繡於穰。劉表遣兵救繡。以絕軍後。公將引  
還。繡兵來追。公軍不得進。表與繡復合兵守險。公  
軍前後受敵。公乃夜鑿險為地道。悉過輜重。設奇  
兵步騎來攻。大破之。公謂荀彧曰。虜過吾歸師。而  
與吾死地。吾是以知勝矣。○孟氏曰。人懷歸心。必  
能死戰。則不可止而擊也。○杜佑曰。人人有室家  
鄉國之往。不可遏截之。徐規其變而制之。○梅堯



將東走業謀欲擊之其將沮渠蒙遜諫曰歸師勿  
遇窮寇勿追此兵家之戒不如縱之為後圖業  
曰一日縱敵悔將無及遂率眾追之為弘所敗○  
張預曰兵之在外人人思歸當路邀之必致死戰  
韓信曰從思東歸之士何所不克曹公既破劉表  
謂荀彧曰虜過吾歸師吾是以知胸又品弘攻段  
業又勝將東走業欲擊之或諫曰歸師勿遇兵家  
之戒不如縱之為後圖業不從率眾追之為弘所  
敗古人似此者  
多不可悉陳

### 圍師必關

曹操曰司馬法曰圍其三面關其下面所以示半  
路也○李筌曰夫圍敵必空其下面示不固也若  
四面圍之敵必堅守不拔也項羽坑外黃魏武圍  
壺閔即其義也○杜牧曰示以生路令無必死之  
心因而擊之後漢妖巫蘇况弟子車臣傳鎮寺相  
聚入原武城劫掠吏人作新將軍光武遣戚富將  
北軍數千人圍之賊食多穀攻不下士卒死傷帝  
召公卿諸侯王問方畧明帝時為東海王對曰妖

巫相劫勢無久立其中必有悔者但外圍急不得  
走耳小挺緩令得逃亡則一亭長足以擒矣帝  
初令開圍緩守賊眾分散遂斬臣鎮寺大唐大  
末李光弼領朔方軍與史思明戰于土門賊眾退  
散四面圍合光弼令開東南角以縱之賊見開圍  
棄甲急走因追擊之盡滅其眾是開下面也○杜  
佑曰若圍敵平陸之地必空下面以示其虛欲使  
戰守不固而有去留之心若敵臨危據險強救在  
後當堅固守之未必關也此用兵之法○梅堯臣  
同曹操註○何氏曰如後漢初張步據齊地漢將  
耿拿總兵討之步使其木將費邑軍歷下又分守  
祝阿鍾城拿先擊祝阿自晨攻城未日中而拔故  
開圍一角令其眾得奔歸鍾城鍾城人聞祝阿已  
潰大恐懼遂空壁亡去又朱雋與徐粲共討黃巾  
餘賊韓忠據宛乞降不許因急攻之連城不克雋  
登山觀之顧謂張超曰吾知之矣賊外圍周固  
內營急逼乞降不受款出不得所以死戰也萬人  
一心猶不可當况十萬乎其害甚矣今不知徹圍  
并兵之城忠見圍解則勢必自出出則意散易破  
之道也既而解圍忠果出戰雋因破之又魏木祖



圖壘開下令曰城拔皆坑之連月不下曹公曰圍  
城必示之活門所以開其生路也今公告之必死  
將人自為守且城固而糧多攻之則士卒傷守之  
則日久令頓兵堅城之下攻必死之虜非良計也  
大祖從之開城遂降又後魏末齊神武起義兵於  
河北爾朱兆天光度律仲遠等四將同會鄴南十  
馬精強號二十萬圍神武于南陵山是時神武馬  
二千步卒不滿三萬人兆等設圍不合神武車繫  
牛駟自塞歸道於是將上死戰四面奮擊大破兆  
寺○張預曰圍其三面開其一角示以生路使不  
堅戰後漢朱雋討賊師韓忠於宛急攻不克因謂  
軍吏曰賊今外圍周固所以死戰若我解圍勢必  
自出出則意散易破之道也果如其言又曹公圍  
壘開謂之曰城破皆坑之連攻不下曹仁謂公曰  
夫圍城必示之活門所以開其生路也今公許之  
必死令人自守非計也公從之遂拔其城是也

### 窮寇勿迫

杜牧曰春秋時吳伐楚楚師敗走及清發聞閭閻  
皆擊之夫擊王曰困獸猶鬪况人乎若知不免而

致死必救我若使半齊而後可擊也從之又助之  
漢宣帝時趙充國討先零羌羗觀太軍棄輜重欲  
渡湟水道阨狹充國徐行驅之或曰逐利行將充  
國曰窮寇也不可迫緩之則走不顧急之則還致  
死諸將曰善虜果外水溺死者數萬於是大破之  
也○陳皞曰鳥窮則搏獸窮則噬也○梅光臣曰  
困獸猶鬪物理然也○何氏曰前燕呂護據野王  
陰通晉事覺燕將慕容恪等率眾討之將軍傅願  
言之恪曰善窮寇假令王師既臨則上下喪氣賊  
下前以廣固天險守易攻難故為長久之策今賊  
形不與性同宜急攻之以省千金之費恪曰護老  
賊經變多矣觀其為備之道則未易卒圖也今圍  
之於窮城樵採路絕內無畜積外无強援不過於  
旬旬弊之必矣何必殘士卒之命而趨一時之利  
哉此謂兵不血刃而坐以制勝也遂列長圍守之  
凡經六月而野王潰護南奔于晉悉降其眾五伐  
晉將符彥卿杜重威經恪北鄙遇虜於陽城戎人  
十萬圍晉師於中野之野水軍人鑿井取泥衣絞而  
吮之馬渴死甚眾彥卿曰與其束手就擒曷若  
以身殉國我今窮蹙乃率勁騎出擊之會天風揚



此用兵之法也

塵乘勢決戰我人大潰此彥卿為虜十萬所圍乃窮蹙之寇遂致死力以求生戎人不悟之致敗也○張預曰敵若焚舟破釜來決一戰則不可迫逼蓋獸窮則搏也晉師敗齊于鞏齊侯請盟晉人不許齊侯曰請收合餘燼背城借一晉人懼而與之盟吳大槩王謂困獸猶聞漢趙充國言緩之則走不顧急之則還致死蓋亦近之

孫子集註卷之七





